

Cuerpo di Bombero a bira furioso

Dos pomp a worde muda di un bario djiis pa bay saca awa di Golfcourse



Oficial di Cuerpo di Bombero aki expresando su disgusto na e personal operando e Pomp.



unda posiblemente debi na un falta di coordinacion entre Cuerpo di Bombero y DOW, a dicidi na stop di usa un Pomp grandi pa yuda habitantenan di un bario, y a move dos Pomp pa bay haci Golfcourse di Divi bashi.

Ta conoci cu Gobierno a solicita di Valero Aruba Re-



finery, pa haya yudanza cu dos Pomp gigantesco cu por alivia e dolor di habitantenan masha hopi mes. Despues di esey, Valero Aruba Refinery a manda mas Pomp, y mas cu claro Cuerpo di Bombero a keda contento cu nan.

Inmediatamente a core pone e Pompan extra aki den algun bario cu mester urgentemente di nan. Pero algo escandaloso a socede diripiente.

E trahadornan a habri slang caba di uno y tabata cla pa cende e Pomp, ora cu diripiente orden a bin "di ariba" pa ruim-op tur cos back, y acudi cu e Pomp aki na e Golfcourse di Divi Links.

Habitantenan mester a mira cu cara tristo, con e Pomp aki a worde poni back den movimiento y a abandona nan.

Di con ta laga habitantenan na caya cu nan cas full bao



awa, pa asina bay haci un Golfcourse bashi? Acaso e Golfcourse aki tin mas valor cu e bida humano?

DIARIO a haya e informacion aki, y mesora a bay check. A bin descubri cu no menos cu 2 Pomp a caba di worde poni e ora ey na e Golfcourse nobo aki. Un rato despues, ata Sr. Donata di Cuerpo di Bombero a yega, y e tabata furioso.

E no por compronde di con hende por a duna orden pa move dos Pomp asina esencial, di un seccion pa e

otro. Pasobra ta bida humano ta bin na prome lugar. Sinembargo esnan trahando na e Pomp ta djiis cumpli cu orden cu nan a ricibi di DOW. Aparentemente DOW a haya e orden aki "di ariba".

DIARIO no a logra haya sa kico e "di ariba" aki nifica. Pero parce cu "di ariba" tin hende cu ta kere cu e Golfcourse inunda aki ta mas valioso pa rescata, envez di e decenas di habitantenan den e area unda e Pompan aki tabata destina prome.

ORANJESTAD (AAN): Un situacion fastioso a presenta su mes Diabierna atardi,

Ladron di Pick-Up a worde gara

ORANJESTAD (AAN): Central di Polis a dirigi un Patruya den Pastoor Hendrikstraat pa atende caso di destruccion y ladronia.

Segun informe compila ta indica cu tin persona (nan) a wak desconoci drenta den un cas no habita y a horta cantidad di articulo.

Tambe ta asina cu un pickup color blauw modelo Chevrolet esnan desconoci a joyride. Segun e version cu tin sospechoso cu ta e chollernan, un tal "La Reina", "Pudding" y "Madonna" a drenta den e cas y a baha bay cu e pick-up.

Un agente na civil fuera di trabao den oranan di atardi a intercepta e pickup den St. Antoinet Bergweg, tras di wiel ta e conocido di husticia un tal L. E agente mientras tanto a pidi refuerzo di coleganan uniforme.

E sospechoso L. a para e pickup y a worde deteni mesora pa mas investigacion.

E CUENTA PRESENTA!!

